

愚

齋

存

稟

愚齋存彙卷第七十二

電報四十九

寄端午帥

端午帥來電

又

又

寄端午帥

海州許九香觀察來電

寄端午帥

又

農工商部楊杏城侍郎來電

端午帥來電

寄端午帥

又

端午帥來電

又

寄端午帥

端午帥來電

又

又

寄端午帥

安慶恩中丞銘馬方伯煦來電

寄江甯端制軍方清江楊道台文鼎許道台鼎霖魏太守家驊徐州袁道台大化田太守庚劉太守鍾琳

寄南昌瑞鼎臣中丞

瑞鼎帥來電

寄武昌張宮保

張宮保來電

寄南昌瑞鼎帥

張宮保來電

寄張宮保

寄貴陽龐劬帥

寄張宮保

寄郵傳部岑雲階尙書

張宮保來電

寄外務部

寄張宮保

寄南昌瑞鼎帥

廣州周玉帥來電

寄周玉帥

寄郵傳部岑尙書

張宮保來電

又

天津袁宮保來電

寄武昌張中堂

端午帥來電

寄端午帥

寄武昌張中堂

又

張中堂來電

愚齋存彙

卷七十二目錄

三

思浦樓藏版

寄張中堂

又

又

鄂督張中堂來電

寄張中堂

又

愚齋存稟卷第七十二

電報四十九

寄端午帥

光緒

三十二年十二月初七日

呂大臣會

夢華方伯支電皖北災情宿靈五泗最重據各印委報  
已放急冬二振雖云遵飭查戶分別極次能否實難遙  
度公處能派義紳辱臨實深感仰等語夢華亦知印委  
不盡可恃注重義紳弟意籌款極艱亦甚不願地方官  
籠統勻放惟人才實難做處義紳不敷分撥無以應夢  
華之請鈞處可否於魏梅孫劉樸生二君中分委一人  
前往相助又聞李仲帥於皖振極熱心或就近商請公



舉得力員紳出而分任能四屬各得一人便可集事公  
意如何

端午帥來電

十二月初八日

並致呂大臣

昨洋務局溫道接李德立函稱現已募得銀十五  
萬元尙有續募之款惟此項振款係由本會經募  
至散放時數目亦須由本會經手方昭核實擬請  
此後散放仍由本會分派就近教士人等前赴災  
區會同辦賑華員暨本地紳士地方官商酌施放  
諸西人自當妥慎從事決不稍涉意外致生事故  
使將來稍有爲難等語是其意仍須由西人教士

自行查放與前議歸華董經手之說不符內地風氣未開愚民無知深屬可慮萬一滋生事端在西人忘身濟物雖言明不向中國索償而中國何以自安此事關係甚重不可不先事綢繆務懇兩公善爲設法與李君及會中各西人婉切相商俾從原議以保平和而免枝節不勝感幸盼復

又十二月初八日 並致呂大臣

查被災較重之海州沈陽邳州宿遷等處義紳趕到在前浦廠饑民遣散在後卽以安東而論在浦饑民頗多係由唐紳錫晉親自往招饑民信服咸

願隨同回籍今乃謂係誘以洋人在籍放振故各  
欣喜而返此言斷不可信至該饑民等留養日久  
雖未凍餓至死實亦困憊已極一旦奔走長途殊  
難保無病斃致謂日有數千人之多斷無此事此  
種謠傳其來有因邈日公當查悉但鄙人念切溝  
瘠決不敢因言不盡實稍涉忽略已分電各義紳  
就近查明電復一面催令迅速查放以免真有餓  
斃情事揚州資遣已電屬妥定密章多給口糧矣  
大抵任事之難古今同慨如俊卿之勇往細密孰  
能及之當時挽其往署實係強而後可今尙不理

於人口恐此後更無敢任事者矣拉雜奉陳萬請  
勿宣

又十二月初十日 並致呂大臣

張殿撰庚電悉晉胡閩幣糾葛持論至爲公道閩  
銅元本不能裝運出口因災振需用電商崇帥飭  
放而災振惟在多得捐款晉益升於前助二萬串  
外願再捐助祇論加捐之數不致過少卽不牽入  
此事亦無不可已電飭滬道候尊處詢明確數若  
干卽行發還仍盼電復閩幣現已不能再運胡旣  
不可靠應作罷論

寄端午帥

十二月初十日

呂大臣會電

振災豈真能一夫不失所但當權其輕重留養費更重  
患更多注重本籍查放釜底抽薪彼此同見俊卿仁勇  
兼至遣散之速厥功甚偉而本籍開放之遲實義振拘  
牽之過弟聞洋人之言深自抱疚急電各義紳不論錢  
數否查完否必要速放公核定章程切言隨查隨放逆  
知歸振不及補查另由印委憑照隨驗隨發不歸義紳  
是否照辦尙未查悉洋人盛言華振不可靠注重彼要  
自放弟恐俊卿無故受屈一面阻勿登報但彼謂已電  
英美且我等同辦一事不敢不告公並告俊卿現已將

俊卿來函登報於無意中解說勿與深辯承囑勿客氣  
當彼此如約此電乞交俊卿一閱

海州許九香觀察來電

十二月十一日  
制台呂大臣

並致端

霖初九日到州沿途饑民哀呼餓死慘不忍聞有  
數日不食吐白涎死者霖九月調查不料如是之  
甚自恨識短致墮上聞縱免冥譴能無疚心州境  
地廣民眾來春爲日方長乞預爲之備

寄端午帥

十二月十一日

呂大臣會電

九香佳電毛骨俱悚此皆查放太遲咎在義紳頃復九  
香云海州饑民如是之慘同深扼腕弟所以力請我公

速往尙恐不止海州如此沈陽安東桃源阜甯紳電均甚慘山陽極貧只放六百錢督電注重極貧要放一千與鄙見同此次振務病不在錢少而在查戶不清放錢不速海州地大培之一人喫不了望速派妥人幫助榆嚴鶴松是老手似可請來分辨午帥電官振已撥十萬餘千義振七萬二千共十八萬數千矣如再須添撥候示只得照辦春振必須復查方能頂真公此行宜照章責成義紳查戶印委發錢義紳及查戶同事必須添人請公主持電示沈陽如何公宜親往各處稽查我等罪已不小宜速補救特聞

又 十二月十二日 呂大臣會電

承購鄂銅元四十萬千均經運齊內除十七萬千已撥  
銀歸款外尙餘二十三萬公深知一時無銀可還緩至  
明正自當設法彌補以符原議一百萬千之約惟義款  
本擬專放冬振今所撥放已逾六十萬千現尙紛紛請  
益恐無餘資再助春振弟等智盡能索卽所借墊之款  
尙不知如何歸償總之籌勸本屬極難現又爲工振華  
洋振所分益形短絀承前春振辦法毫無把握愧疚萬  
分惟有仰仗大力專歸官振以竟全功苟非無可如何  
萬不敢意存推諉仍當竭力籌募以爲公指臂之助萬



乞垂諒

農工商部楊杏城侍郎來電 十二月十四日

承賀感謝前奉電商撥還皖款一萬琦誼關桑梓  
豈不樂從惟電政係本屆辦竣卽須移交郵部本  
擬年內回滬視局款何如再定辦法現以工部歸  
併正在喫緊勢難分身擬開春赴滬料理移交各  
事結清帳目再爲核辦至做省捐款經京外奏請  
聞度支部將於奉天溢收捐款內撥二十萬目前  
似可敷衍尙未揭曉乞密告伯行兄爲感

端午帥來電 十二月十六日 並致呂大臣

江北義振重蒙認籌錢一百萬串慘淡經營煞費心力且承選派義紳承辦並隨時斟酌指示現在各屬振務得以辦有眉目皆出自兩公全力匡助數百萬災黎同戴大德固不僅鄙人感幸已也近據各處電報徐屬五州縣多已散放過半除原撥官義款項外現邳州加撥銀一萬三千兩合錢二萬串蕭縣加撥銀一萬兩宿遷加撥銀一萬兩而雖甯尚有餘款可以留備春振辦理頗稱核實淮海各屬因原查戶口不清中多冒濫官義兩款均不免有浮糜此其咎在印委不在義紳然事已至

此不得力籌接濟昨已加撥海州銀二萬兩安  
東桃源各銀二萬兩平糶米二萬石沈陽銀一萬  
兩平糶米一萬石並令將糶價歸振散放約計尙  
有贏餘阜甯山陽兩處大約亦須加撥已匯銀三  
萬存楊道處以備就近撥濟照此辦法冬振總可  
就緒第明年春振爲日甚長尤非妥爲籌辦不可  
承允竭力籌募備紉厚誼然捐事之難迄今已達  
極點誠有如來電所云者且原籌百萬災民受賜  
已多茲乃猶以事無把握愧疚萬分爲言仁言利  
溥誰不感奮春振自應以官款爲大宗鄙人責無

可貸必當儘力設籌至原籌義振錢一百萬串除  
分撥外尙有餘款應請卽儘此數勻撥各處春振  
仍作爲官義合辦全交義紳散放以資熟手官款  
同一奇絀兩公所知然實逼處此總以急救民命  
爲主其他不遑恤及義振如能續勸有款自不惜  
隨時接濟竟此全功至春振一切辦法甚關緊要  
務祈迅賜查照前電統籌詳示俾有持循其復查  
各屬戶口一事並希切囑各義紳核實辦理地方  
官不妄處並望有聞必告萬勿因義振之多寡稍  
存客氣是所切禱仍盼電復

寄端午帥

十二月二十日

呂大臣會電

此次公將官振歸併紳辦弟深慮用人不當日夜擔憂  
徐屬劉康遐柳暹韓景珪吳憲奎均是好手真查戶口  
故能嚴卽能優春振可放心邵聞洛亦能緊查但有官  
氣向係唐錫晉幫手唐全用安東人恐有弊邵若調往  
助唐似可相濟廉短於才如肯留亦只可助唐海州地  
大許擬擇本地數十人查戶宋恐難統率流陽劉增以  
歸振八萬口又赴道請加洋六萬元劉爲曾少卿保薦  
心太慈四十萬口每六百已二十餘萬不嚴故不優此  
數處春振宜酌查有知府馮嘉錫朱祖蔭切實可靠皆

公在鄂所知雲帥奏調赴滇無期弟責以桑梓義務似欲効力但云堯帥欲調赴湘須與雲帥商酌朱守允辦振熟手公若要用須速委任乞酌復

又 十二月二十一日 呂大臣會電

子戴面述雅意懇摯感忤莫名此次大振微公盛德宏度何能下手平糶雜糧蒙公嘉納自當趕辦目前三屬只有許道一人擬請電令許道總理各州縣分運分糶均歸許道派人分理做處購辦各糧運到海州悉交寶守章牧分轉擬飭照各災區市價酌減三成只准零糶二斗爲限所收糶價隨時匯滙不准截留方能源源不

斷此閒籌借十萬兩公籌匯十萬兩先行試辦如辦得好約四五次方折蝕淨盡加惠窮簷匪淺候復再分電各處遵照

端午帥來電

十二月二十四日

並致呂大臣

本年冬振義紳之力居多實由兩公遴選得人所致徐州五屬振務辦理最爲核實劉柳韓吳固俱老手邵亦辦事切實是以原撥款項尙有贏餘明年春振諸紳似可無須更動以收駕輕就熟之效唐紳爲安東士民所信服辦理必能得法廉紳年老心慈人亦公正若尅喪東助理最爲相宜桃源

海州沭陽三處尊意春振宜酌正與鄙見相同惟  
魏劉兩紳須往各處調查未能專在一處放振朱  
君雲程已令赴桃助理此外鄙人與藩司再四籌  
商實無妥人可派馮守嘉錫朱守祖蔭與鄙人甚  
熟深知其可靠頃已切電雲帥暫假數月調甯委  
用仍祈兩公設法力託俾卽允從至桃源等處義  
紳應如何更調仍望兩公酌定無任企禱

又十二月二十六日 並致呂大臣

接許久香濛電辦振極難紳董病在徇情義紳病  
在隔膜疎漏必紳董苦心義紳虛心公同訪察乃



得其平大約冬振一次放畢可得災民總數須由  
憲處電商呂盛大臣限定春振二次款目然後義  
紳官董始能酌中辦理是否候示遵等語查本地  
紳董能如久香之公正勤能熱心爲善者實不多  
觀各屬董事侵振冒振把持積穀阻撓振務以及  
藉振扣收欠繳公款者不一而足鄙人專注義紳  
而不敢用本地紳董職是之故來電所云紳董苦  
心義紳虛心公同訪察乃得其平果能辦到國屬  
大妙特恐不肖董事反藉此掣義紳之肘窒礙轉  
多來年春振鄙意因爲時較久擬照原定章程每

大口全給錢一千文昨已電商諒邀鑒察茲來電  
云限定春振二次款目然後義紳官董始能酌中  
辦理仍係勻攤之意似有未妥且義振認籌百萬  
全已分撥即使籌募有項恐亦無多官款奇絀現  
擬散放春振一次尙須設法挪借若欲限定二次  
更屬毫無把握前議借款事至今尙無成說兩公  
在滬如能代借鉅款庶足以濟急用但洋款則度  
部不肯借華款則又無多殊深焦灼恃愛瀆懇一  
切曲諒盼復

寄端午帥

十二月二十七日

呂大臣會電

宥電許道等請辦海鹽河工需銀十一萬四千兩如果能除水患其惠自溥但須與許道汪牧燿令約定由尊處專札春振義紳查戶必須全剔壯丁由義紳給憑照准其到工從事只放老弱婦女殘病庶可略省振款以濟工用自來工振其名也實則振是一事工另是一事但振僅一時工垂久遠耳乞核准爲是

端午帥來電

十二月二十九日

並致呂大臣

馮朱兩守已承雲帥允其來助此皆兩公維持之力甚感近聞各處義紳所用司事不盡得力承囑馮守多選明幹司事方能速查速放最爲切要准

海各屬今冬已造縣冊不分極次春振不服剔除  
尤係應有之慮已電屬楊道撰發剴切告示曉諭  
開導一面責成印委妥爲照料如敢不服剔除任  
意滋鬧卽行提案究懲

又 十二月三十日 並致呂大臣

查來年春振前接尊電本擬調邵紳聞洛赴安東  
助理鄙人因其查剔甚嚴辦理亦頗迅速電商留  
辦茲經劉守查得邵紳種種任性俱係得自諳聞  
亦難保非放振過緊致招眾怨本年冬振如海沈  
桃山等處皆憑官冊濫放官義兩款所耗甚鉅而

極貧僅得錢五百六百不等欲求其臨放改票而不可得如邵者亦未可以苛刻目之也惟輿情既有未洽若令再放春振恐滋事端且邵已回滿不願再往自應更換尊意擬調韓紳景珪來睢接辦春振而以陳紳慶麟調蕭甚妥卽照辦第劉紳來電現欲暫留擬以劉守督查徐屬振務而注重睢甯俾臻周妥公意如何祈酌示並希分電韓陳兩紳遵照

又光緒三十三年正月初一日 並致呂大臣

頃劉樸生來電振務查戶第一重要百萬民命生

死其手若招市人烏合從事輕率草菅民不死災  
而死振子遺之黎義振之局害於此輩思之痛心  
春振方長似難再誤求商呂盛大臣明立法程嚴  
飭各局優獎賢勞察治卑劣綜覈勸懲大局幸甚  
等語查義紳所用司事乃分任查戶放振之人所  
請明定勸懲似甚切要祈卽酌定賜復爲禱

寄端午帥

正月初二日

劉紳已嘉慰韓紳募六人想必爲兼辦宿州需人起見  
已電韓審慎此次地廣查戶需用司事衆多誠如劉守  
所言關係甚重弟均切實戒慎但恐倉卒招募不易義

紳除安東外多係本地人尤不可靠照章司事責任頗重月薪只十二元又無保舉莫不視爲畏途殊無獎借之法

安慶恩中丞銘馮方伯煦來電

正月初四日致呂大臣

並

韓紳到宿查散尤所感荷昨據薛牧電稟該紳已從時村查起俟銅元運到開放已屬慰勵並飭速赴蕭縣領運銅元矣華洋義振會前允糧食分成濟皖固屬可感嗣聞洋人不允交紳代放故屬李京堂許道婉謝昨皖紳復以爲言愚見以金山鉅災朝旨助振美辭不受始改專撥華僑今我受

人之振於義終覺未協前奉兩公勸募淮徐振捐  
函電亦主婉辭之意深以爲佩若因該會本有華  
人捐款並非盡募自洋商受尙有詞然賁稅務司  
所開節略聲明必須教士查放方能實惠及民非  
此無以對前之捐者無以勸後之捐者似我官紳  
不足見信於外人一經照允是自承認不能實惠及  
民矣實於我之名譽有損不僅因皖北民風強  
悍日後諸多爲難慮啟齟齬也現與司道及省紳  
議定如該會祇以款協我以糧濟我當勉副善與  
人同之意不敢固辭倘仍堅基教士查放之議皖



省惟婉謝一法已電復滬上皖紳兩公當亦謂然  
奉捐溢款二十萬次帥已全數奏准留奉又會午  
帥電奏籲懇業邀 恩允再得兩公兼籌並顧始  
終維持吾民其有豸乎復叩新禧

寄江甯端制軍方清江楊道台文鼎許道台鼎霖魏太  
守家驊徐州袁道台大化田太守庚劉太守鍾琳

正月  
初五

呂大臣會電

各義紳均云去年次貧恐今年變爲極貧春振只放一  
次戶口更須加多自係實情義振僅得四十萬千官振  
亦甚爲難督帥痼瘕在抱弟等愧無助力參酌羣言酌

擬數事一曰借給麥種使可補種春麥應由印委趕辦  
二曰多糶雜糧徐屬糧價更貴除高糧玉米由海州進  
口分撥外應另購由運河徑運徐屬俾輕市價以免商  
販居奇三曰就近辦工使壯丁得食並免以後饑荒應  
催張殿撰今春舉辦四曰設借錢局以地作押免爲富  
戶賤買應由官紳並籌如能保定有著再行借款開辦  
四者並舉或可一振了事尊意如以爲然第一第四條  
請卽酌復

寄南昌瑞鼎臣中丞

正月初十日

農工商礦總局原詳江省土法試辦各礦向未議抽萍

鄉雖用西法而費本較土礦重獲利較土礦難股商無  
息卽其明證仲帥原咨應收出口稅項飭據該礦  
總辦等歷陳困難情形請俟華洋欠款清還再遵新章  
一律普完務懇照准俾資維護至緝公誼

瑞鼎帥來電

正月十六日

前咨土礦未抽一節係指試辦未成者而言如宜  
眷煤礦稍有成效早經抽收亦止每噸完釐錢四  
百二十文而萍鄉焦炭每箱八噸止抽釐七百二  
十文油煤每箱十噸抽釐三百六十文卽就宜萍  
完釐而論多寡懸殊自奉部章後無論土法洋法

但辦有成效者均應遵章完稅是宜礦正待萍礦  
定後一律辦理尊處所辦萍礦羣推巨擘日出千  
數百噸鐵軌展至湘東固已成效大著爲民興利  
卽爲國生財非恃鈞力主持遵章完稅則他礦勢  
必藉口無從辦起愚以爲萍礦基業極大出入極  
宏若俟欠款還清再行完稅不知遠在何時矣現  
議之井口等稅無非取之於商似於礦本無損亦  
不至有礙行銷況一經完稅卽照章免釐亦足以  
資挹注當此庫支奇絀百端待舉務懇鑒及苦衷  
仍賜轉飭萍礦總局議定遵章納稅無任九叩待

命之至

寄武昌張宮保

正月二十一日

魚電懇留鄂軍多駐萍礦數月諒蒙鈞鑒林道效電月底期近礦無保障深慮再蹈危機語極迫切此間函商鼎帥另派精隊接替亦無確復求公保全終始電飭統將俟贛軍抵萍再行撤回九頓以謝

張宮保來電

正月二十八日

有人薦英國人羅士充湖北鐵路工程師據云曾充淞滬總工師八月又曾於鐵路公司充工師顧問官又充滬甯工程師辦理甯鎮一路等語羅

上鐵路技藝如何工夫是否上乘人品如何從前  
薪水每月若干尊處雇用既久知之有素祈迅賜  
查明電示切盼

寄南昌瑞鼎帥 二月二十日

前奉銑電以贛省庫儲支絀百端待舉撥兵駐礦正費  
難籌無論礦商如何艱難總應竭棉遵辦况尊電井口  
完稅後照章免釐尤符概不重徵之義體恤實深當飭  
林道瀨帶完釐案據出井成本來滙酌核刻已略有端  
緒擬三月中專員趨叩面議一切屆時務祈曲賜維護  
並先飭知農工商礦局查照

張宮保來電 三月初三日

接湘省路紳來電稱近與萍鄉礦局商借銀二百萬兩專作洙長經費似可望成擬與長岳同時並舉等語不審此事係如何辦法已商有成議否希速示復

寄張宮保 三月初五日

先是海觀來亦稱湘省有萍鄉借款助成湘路之說告以語出無因昨辟道鴻年電詢如借二百萬月息幾釐未言何人所託萍礦負債累累自顧不遑安有餘力盡在鈞鑒之中但此路如能早日接通實大局之幸

寄貴陽龐劬帥

三月十一日

已故金匱楊京卿宗濂有功蘇常二郡茲蘇常京外官  
紳公呈督撫援案奏請宣付史館立傳並附祀各省淮  
軍昭忠祠及李文忠專祠自是正辦僉以楊京卿昔隨  
先德文恪公辦理團練夙有淵源今呈內求公列名定  
荷台允乞先電復餘函詳

寄張宮保

三月十四日

萍鄉防營曾函請鼎帥選派精隊一營爲常駐之計昨  
接復函雖應允而不能卽派報紙謠言萍鄉與湘界尙  
恐有事張道贊宸已故林道志熙接辦上次匪首係由



贛營所獲若非鄂軍遙莅勢必燎原萍礦再造實感大德求再留鄂步一營暫駐庶聲威所至弭患無形俟鼎帥另派精隊到日方可調回如須合操可請換防而不可撤防該礦製鐵命脈伏乞俯允大局感幸

寄郵傳部岑雲階尙書

三月二十二日

造路行車需才甚眾宣懷昔辦南洋公學畢業生出洋肄業人數不多現在該學堂已歸郵傳部管理可否添聘募專門洋教習二員挑選學生兩班專教造路行車兩事俟畢業卽派各路試以實事較出洋費可省人多今我國已有鐵路此項學生到工可先隨洋工師練

習與出洋所差無幾將來京漢京榆收回亦非得人不辦鈞意然否

張宮保來電 三月二十八日

粵漢全路難期速成惟有先將武昌至涿洲一段修成則萍鄉可直達漢口中間經過長沙湘潭岳州武昌等巨鎮藉成一小小局面以後股便易招鄙意擬分三段修造則路短費省成早利速現擬武昌至岳州五百一十里歸湖北修岳州至長沙三百五十里歸湖南修長沙至涿洲一百一十里旁接枝路通湘潭六十里其一百七十里擬請台

端代修聞林道言工已估過費不甚多尊處似可  
借款籌辦將來此路修成以後暫歸萍礦管理湘  
省何時將路款還清卽隨時交還湘省萍局只圖  
暫通轉運之利不圖管路行車之利照此辦法多  
用工程師每段之中又分爲四五小段同時並舉  
一年半可成自謂此舉實是良策今日與林道志  
熙言及渠甚以爲然特此電商望速裁酌示復以  
便商之湘省切盼

寄外務部

三月二十八日

呂大臣會電

查上年議德約時克領事因病回國其末次照會文稱

必須俟德國政府閱悉本大臣商議此約所繕之文書以後聽候德國政府仍行發給如何續行商議並如何議畢之訓條等語是德約僅係停議與義國要求未遂因而罷議者情事稍殊此時似應在照催之列若竟置而不論彼或反有後言恐增阻礙仍請由大部另行照會催其續議此事實爲各國觀聽所繫故不憚瀆陳也至義已罷議催誠未便應俟各約一律議定後再與照商是否乞鈞裁并盼復示

寄張宮保

四月初三日

自籌華款造路分段分年本是良法粵路惜不計及此

公擬以洙洲至長沙一段責成敝處借款代修暫歸萍  
礦管理湘省何時將路款還清卽隨時交還湘省爲萍  
礦計卽爲大局計敢不承命惟萍礦資本係五百數十  
萬只有股分一百五十萬餘皆借貸以禮和大倉兩款  
爲最鉅恐難指礦續借現因鐵廠煤礦相依爲命若仍  
前分作兩公司難免畛域擬商併作一大公司添集銀  
股逐步擴充萍煤運道實非早通鐵道不可公意分作  
三路尅期年半成功不勝狂喜宣無論如何必當設法  
圖成以副鈞命除電飭辦道鴻年督同總礦司賴倫將  
洙洲至易家灣一段先行覆勘呈核外尊處電商湘省

如何核辦乞速詳示以便酌定

寄南昌瑞鼎帥

四月初五日

頃接漢廠李郎中電轉據萍鄉探錳委員陶令德光稟  
江西稅務總局批飭比照礦章錒砂一項完納出井口  
兩稅乞查案電咨免抽等語查張宮保漢廠招商接辦  
奏業生鐵一噸抽提官捐銀一兩凡煤焦礦石種類及  
地稅等均在內別無另外捐款奉 旨照准有案錳爲  
入爐煉鐵時配用材料其值甚微較錒砂西名安得摩  
尼每噸值銀百餘兩者貴賤懸殊該廠先探興國後探  
大冶亦均無稅可向鄂署查詢祇緣該處土厚苗薄不

得已改就萍廠試辦以來尙無成效稅務局比照錫砂自係未悉錳石品值及漢廠官捐外別無捐款之案應懇台端札局准援興冶採錳成案一律免稅俾不致羈滯鍊冶實紐公誼漢廠結虧實銀二百五十餘萬兩各部有案正擬奏請設法維持籌款推廣新廠以濟時艱公素關懷大局諒能鑒此苦衷也

廣州周玉帥來電

四月初九日

廣澳鐵路原訂中補合辦倘葡商無股可集卽應歸華商獨辦現准張弼士太僕咨據華商林炳華等稟葡商日久集股未成曾由盛大臣照會葡使

廢約接復請再展限三個月如葡商無股例當作  
廢請照會葡使依限廢約並聲明股由華商全集  
應歸華商自辦將來路綫只達近澳之前山不入  
澳門租界等語尊處曾否照會葡使有案彼請展  
三個月係在何時敝處無案可查請即詳示爲感

寄周玉帥 四月十二日

廣澳鐵路合同與中葡商約相表裏葡政府必先將商  
約批准然後葡商方可開辦鐵路嗣經林德遠稟報華  
股二百萬齊集當咨外務部商部請部轉催在案並無  
限期三個月葡使請再展期之案據弟交卸路局後有



無其事做處無案可查昨聞葡領事云商約將可批准矣

寄郵傳部岑尙書 四月十五日

公到部卽提議電事曷勝抃慰但外國設綫廣乃能取價廉若不先推廣卽行減價華人惜費若非緊要事雖減半仍不發電如密碼與明碼一律則必以一句話編成一密碼恐增報所得不足抵減價所失倘致入不敷出捉襟露肘更難推廣可否札飭限期一年預備多加綫而後大減價似較穩慎乞鈞裁

張宮保來電

四月二十一日

昨湘紳復電云陽電敬悉路工日久不開誠爲非計鈞意擬分三段同時并舉以期速成蓋籌周至欽佩莫名前萍礦僻道鴻年因莊臬司來商請將湘路先修株長一段自願代借洋款當經答以洋款屢經京外鄉人阻駁未便復議及此如萍礦願與湘路借款我祇認爲萍礦之項合同不提洋款一字或尙可行亦不必概交現銀卽將鐵廠鋼軌分成抵借日後公司還款亦不必概還現銀卽將運煤車費抵償均無不可僻道當已轉達盛宮保尙無成議鈞電連日集議公司同人均謂宜仍照

上項所陳辦理公司只認借自萍礦萍礦借自何處不與公司相干尤不能指路作抵均願於合同上一一聲明借定興工萍礦卽同一大股東公司事宜按照商律本有決議之權儘可隨時派人來公司一同研究至明云暫歸管理四字湘路甫開首段工程卽歸他省管理不免滋人誚讓總之萍礦肯相助爲理彼此均有裨益似不在管理與否也同人公議如此謹此電復仍候鈞酌近已將遠近招股事宜一一布置粗有眉目併敬附陳先謙肇康祖同匯湘等叩等語湘紳囑轉達尊意如何

請酌復

又五月十一日

頃湘紳復電云前奉憲台發交盛宮保來電一紙  
備悉漢陽鐵廠願以鐵軌助修洙昭鐵路全數記  
帳不索現資同人讀悉至深銘感惟湘公司本議  
先辦長潭今忽改洙昭將長潭兩繁盛埠頭拋卻  
商情不便股東亦未必樂從查昭山至長沙航路  
險灘尙多如不接修至長於礦局轉輸仍難期速  
效鐵廠既願任此義務請將洙長全路鐵軌概行  
記帳不索現資公司亦允將由洙至昭一段起先

修築以資轉運彼此兩益最爲公允至預存軌價帶扣二成一節公司未悉此案原委似應仍由鐵廠自行料理以省周折等語特照轉祈酌核見復天津袁宮保來電 五月十四日

鄙人商約一差上年業經奏辭今又奉 旨會商未便遽辭俟續議時仍請尊處與香帥主政鄙人如有所見卽當隨時奉達

寄武昌張中堂

五月十九日

承示湘紳復電以湘公司本議先辦長潭忽改洙昭商情不便屬將洙長全路鐵軌概行記帳允將洙昭一段

趕緊修築似此委曲成全極深感佩昨經集董會議長  
潭兩繁盛埠頭湘公司議欲先辦自係正理軌價全墊  
漢廠力難做到洙昭專便運煤前請湘公司認費工費  
礦局未免奢望今廠礦合籌擬獨認洙昭一段連工費  
俱由礦出遵照鈞處感電分段興造之義略變通之鄂  
修武岳湘修潭長而至岳州礦修洙昭以待潭昭相接  
礦之力最小實難兼助長潭現飭辭道和道督同總礦  
師賴倫將洙昭估價至少需銀四十八萬兩之譜不借  
債不招股限十個月工成廠礦勉力不過如此但款係  
自籌絕無牽涉將來湘路如欲收併照本還礦毫不費

事似此湘路目前可少籌數十萬現款萍礦可早通數十星運路兩有裨益一無牽制台端統籌兼顧兩面商情悉在鑒中如荷俯察乞商湘紳示復以便將圖摺卽行咨呈核定

端午帥來電

六月初一日

並致呂大臣

新帥因考驗巡警學生突被亂黨所戕得電後卽經派朱道恩紱率兵輪二艘步隊兩營前往查察辦理茲據查得當時文巡陸永頤武巡車德文因救護新帥陸死車傷巡警巢道安慶府龔守均受傷幸不甚重匪徒除格斃緝獲外正在搜捕地方

安靖

寄端午帥

六月初六日

呂備書會電

承示新帥被戕事禍出意外至深駭悼尊處派兵查督  
辦理布置周密迅速當可銷患無形惟時局如此良用  
喟然海今日北上謹附聞

寄武昌張中堂

六月二十二日

今有一萬緊萬急事稟商萬祈詳察速復前承電商湘  
路仰見鈞座未忘廠礦之難也復電請認辦洙昭一段  
實爲急救廠礦起見查萍煤專爲煉鐵而辦已費成本  
五百餘萬兩石格已通今年可出煤四十五萬噸充其



量可出九十萬噸來年漢廠新化鐵爐成每年出鐵十五萬噸約須自用一半大冶必再添兩爐符公原奏提還官本亦非空談所惜煤焦能多出不能多運目下輸駁不惜重費至多運二十萬噸病在岳州以上河淺也從前預算粵漢路通不憂難運故敢借禮和及大倉洋債放手大舉今則涿洲至岳州鐵路竟無通期若再遲擱煤難多運鐵難多煉煤礦必倒鐵廠亦難支總辦總礦師急不可耐來滬籌商岳州至昭山尙可定造二三尺淺水拖輪暫濟眉急惟昭山一名易家灣至涿洲十二英里曲折灘多輪駁難駛現雇小民船裝甚少弊甚

多非速接造鐵路難濟涸轍湘中有款亦必先造長岳  
決不就洙昭起點廠礦雖竭力爲救全局只得勉籌五  
十萬趕緊自辦查粵漢勘路圖洙洲昭山湘潭爲三角  
形中有灣河九十里卽萍煤阻滯處幹路正綫避灣就  
直係由洙洲通昭山以達長沙當時因湘潭著名富庶  
故圖中另作標記備造枝軌路政先幹後枝原圖移交  
鈞署可請覆按此時廠礦代造洙昭將來湘路由長沙  
接昭山究可少一段並可隨時歸併實於公理有益無  
損然非中堂一力主持游移推諉必難尅期前年以廠  
礦事切懇蒙面允不費錢事必能力助宣懷承公委任

十年堅苦至此浮圖合尖仍賴鼎力設法玉成轉瞬秋  
收卽須開辦明年必須與新化鐵爐同時告竣否則殆  
矣此所謂不費錢功德也礦師等在滬守候無論如何  
務祈撥冗速復以便擬咨核辦悚感千萬再此電纒陳  
廠礦關係請弗全文轉湘

又 六月二十三日

湘路綫自長沙赴粵應在洙洲之上地名淥口歸入幹  
路淥口起至萍鄉幹路毋庸經過現已造淥口至洙洲  
及已勘未造洙洲至昭山皆幹路所必經洙昭實無區  
別昭山已過易家灣五里該處造碼頭棧房較合用金

牧帶呈與漢總圖分別紅直綫爲幹路紅點綫爲枝路  
乞一覽便詳

張中堂來電

六月二十四日

前接五月效電當飭曾道廣鎔轉湘得六月蒸電  
復云承示盛宮保效電敬悉四月間承盛公電云  
擬墊洙昭一段鋼軌等件甚感厚意前請辦至  
長沙鋼軌如慮爲數過多墊款卽照盛公效電四  
十八萬元之數爲限逾則交現公司宗旨願歸自  
辦湘人持此義尤堅未便由萍礦局估修屢次電  
文業經陳明祈回明香帥電致前途爲叩等語做

處旋飭曾道復以嘯電略云路由礦局代修路礦  
兩有裨益湘省有款儘可隨時贖還此電去後迄  
今無復此事湘省固執已見實難說話鄙人今竭  
力思索意得一變通轉圜之法或竟將洙昭一路  
歸鄂代修尊處所籌之款五十萬兩可卽以之購  
鄂省粵漢鐵路股票鄂省卽以此款修洙昭一段  
其購地督工之員全歸鄂派購地員用湘人與湘  
紳商督工員用萍礦人與閣下商此路卽作爲鄂  
修之路將來管路之員由鄂派鄂湘兩省之官湘  
省將路款還清卽撥歸湘管照此辦法湘紳商或

肯通融亦未可知如湘紳許可則萍礦鐵廠之大  
幸然不敢必也總之湘事難辦天下所無鄙人爲  
萍礦漢廠不遺餘力台端如以拙擬辦法爲然望  
速電復當再電商湘省

寄張中堂

七月初五日

京電郵傳部電致各省已經開礦之處如輸運艱難趕  
造鐵路云申報載湘路與其合全省其贊其成不如分  
各屬自盡其責湘潭縣有紳集股謀修自善化界易家  
灣起上至株洲接萍潭路線已有端倪省紳擬就北門  
外長沙界起出南湖港沿河上達易家灣接湘潭路線

已奉督撫批准云又商會陳紳文瑋已集股五十萬願造此路袁贊成而王不允大約湘知洙昭路短費輕現成有利只要求公批准集款極易公如能乘機嚴飭湘紳或電袁京兆先就洙昭接造隨後歸併幹路必可速成漢廠省此五十萬又可多添一爐四爐並舉大局之幸如湘不奉行則總督代造彼更無詞乞鈞裁示復

又七月初五日

奉敬電因湘紳不願廠礦築洙昭改爲由鄂代修公於漢萍直是噓枯起朽奚止竭力宣不敢不將廠礦內容盡情披露兩處欠款數百萬安所得現款五十萬可供

造路祇有交卸鐵路時漢廠尙欠京漢預支軌價九十  
一萬奏明嗣後官路購軌每批帶扣官款兩成至扣清  
爲止萍犯咽喉急病不得已屬廠供應軌件外再以售  
鐵銀款陸續湊付工程此本意也若令籌現躉購股票  
擘畫經旬除洋債之外竟無可借謹就鈞意再進一層  
請電湘曰洙昭十二英里統歸鄂省墊款代修湘集商  
股專顧長沙云云實則除軌件外一切工款仍由漢廠  
分期陸續解由鈞署轉付購地督工管路概由鄂派宣  
但求路通絲毫不干預迨路成奏銷之時鈞處始揭明  
宗旨此款卽是漢廠預支軌價湘能籌還路歸湘管湘



不籌還則以部款接部款之路論理同歸部管設此計  
再不成則萍處絕地漢難出險同歸於盡惟中堂拯之  
賴偷造路估單另呈鈞覽乞速核復

又 七月初六日

漢萍共用工款一千三百餘萬而已咨報商股僅集二  
百五十萬兩除預支日本礦價預支京漢軌價兩項合  
銀三百萬兩外已借商款七百餘萬兩常年賠利至六  
七十萬之鉅近併重息亦借不到艱棘情狀歌電已陳  
宣內撫病軀外觀時局旁察商情非趁中堂手內招足  
一千萬華商股分恐擋挂保守二者俱難鐵廠漸已改

觀而積虧過鉅華商狃於開平煤利非將萍礦歸入鐵廠竟難招股數月來諄勸萍礦股東附入漢廠一起招股筆舌並瘁始允合羣擬就老股每份庫平一百兩者各加四十兩合成銀元二百元換給新票五百萬元爲優先股轉瞬新鋼爐出貨添造普通股五百萬元遵照商律設立董事局投簡公舉分任查帳監工籌款銷貨等事俟董事會成立卽呈請商部註冊煤鐵帳目仍各記盈虧滙局彙總刊印呈報徵信如此氣局方定根基方固於中堂二十二年招商接辦之奏方合符節宣一息尙存誓與此局相終始惟自慙力薄能鮮全賴中

堂始終維持俾此廠屹然與日廠並峙不朽庶不負公重託抑更有請者萍煤既可併附湘路復荷接通漢廠已成全璧鄂省能否入股一二百萬元與優先股一律分利以抵鄂省學堂工程常年經費流澤深遠何啻召棠在外國公司官家入股與商家無二同執股票同舉董事用能拓興商業輔助國脈乞中堂裁示幸甚盼甚

鄂督張中堂來電

七月十六日

廠礦難籌現銀躉購股票尊意軌件由廠供應再以售鐵銀款分期陸續解由鄂省轉付工款洙昭爲廠礦命脈關係既大豈敢膜視惟來電膠葛太

多茲就尊意參合敝處敬電購買股票辦法再予  
通融一漢廠所售洙昭軌件及代購洙昭車輛橋  
梁枕木等件鄂省核明單據銀數填發鐵路股票  
以抵付款二購地股土石款一切工程薪費款漢  
廠每次撥交鄂省銀兩若干鄂省收銀後照數填  
發鐵路股票卽將來銀代付各項款目以上辦法  
軌料既非現銀工款亦非躉付處處與尊意符合  
至於預支軌價一案是漢廠經手之事鄂省實不  
能代漢廠奏銷鄂湘路亦不願牽扯部款在內此  
事總要清楚曲折太多反生窒礙且洙昭告成礦

獲路通之益廠獲路股之利購股辦法亦是廠礦  
生計部款又何必挪扯惟此法尙是鄂滬自家商  
量湘意如何尙須電詢至另電申報云云湘人多  
議少成往往如此做處尙未據呈無從批核乘機  
嚴飭一層施之湘路毫無益處前已電至再三不  
可理喻若再往返電瀆徒誤洙昭大事甚無謂也  
望速酌定電復

寄張中堂

七月十八日

鈞意購買股票宣意抵用部款設想不同造路則一廠  
礦祇因財力困窮不嫌詞費除軌件外概須現款積虧

之局實已無法挪借故不能不急籌招股而股本皆須  
八釐重息以專造洙昭則路有運煤車利可抵如買粵  
漢票恐全路未成無利可抵廠礦現立董事會動用商  
本針針見血此宣懷辦事之難也然鈞意重在粵漢購  
股與廠礦正須續招鉅股實有同情如能招足自易遵  
辦麻電懇商鄂省入股一二百萬元如不能多究可附  
附若干前聞揚子江製造車橋公司川漢粵漢擬入股  
五十萬兩倘能移入廠礦則一舉而三善備矣乞電示  
又七月十八日

近來招股難若登天論者以已成之公司商本官奪將

愚齋存彙

卷七十二

實錄四十九

三

思補樓藏版

成之公司商股紳闥名爲開闢實則阻塞恐商智愈開  
商財愈吝從此視公司爲畏途宣於鐵廠以外決不敢  
再問一事中堂老成碩畫若不力扶工商大局將何以  
抵制強鄰乞三致意焉

愚齋存彙卷第七十二